



經訓堂本墨子



○子在陳曰歸與歸與吾黨之小子狂簡斐然成章不知所以裁之

與平聲斐音匪

此孔子周流四方道不行而思歸之歎

斐文貌成章言其文理成就有可觀者裁割征也夫子初心欲行其道於天下至是而知其終不用也於是始欲成就後學以傳道於來世又不得中行之古而思其次以為狂士志意高遠猶或可與進於道也但恐其過中失正而或陷於異端耳故欲歸而裁之也

○子曰伯夷叔齊不念舊惡怒是用希

伯夷叔齊孤竹君之二子孟子稱其不立於惡人之朝不與惡人言與鄉人立其冠不正望望然去之若將浼焉其介如此宜若無所容矣然其所惡之人能改節止故人亦不甚怨之也○程子曰

不念舊惡此清者之量又曰一丁子之心非君子孰能知之

○子曰孰謂微生高直乞醯焉諸其鄰而與之

醯呼西反微生姓高名魯人素有直名者醯醋也入來乞時其家無有故乞諸鄰家以與之夫子言此譏其曲意徇物掠美市恩不得為直也○程子曰微生高所枉雖小害直為大范氏曰是曰是非曰非

天保六年乙未仲春鑄

川工  
中  
墨  
土

江戸

松本氏蔵板

墨子篇目考

漢書藝文志

墨子七十一篇

名翟爲宋大夫在孔子後

隋書經籍志

墨子十五卷目一卷

宋大夫墨翟撰

馬總意林

墨子十六卷

案墨子名翟高誘曰魯人一曰宋人爲宋大夫善守禦務儉嗇所著書漢志七十一篇隋唐志十五卷目一卷宋志十五卷楊倞荀子注云三十

五篇宋潛溪曰二卷親士至經說十三篇明堂策櫝刊

本十五卷七十一篇與舊志合闕節用下節辨上中明鬼上中非樂中下非儒上共八篇蓋楊據篇名總計之宋則未見全書也明刻文多重複似亦非古本但次第正與此同

君子自難而易彼

彼字補同下

衆人自易而難彼

親士篇

靈龜先灼神蛇先暴

先原作近

君子雖有學行爲本焉戰雖有陳勇爲本焉喪雖有禮哀

爲本焉

脩身篇

墨子見染絲而嘆曰染於蒼則蒼染於黃則黃非獨染絲然也國亦有染舜染許由桀染干辛

千舊作予說苑作干莘原有推哆韓非子

曰桀有紂染崇侯也

所染

侯侈染崇侯也

篇

聖人爲舟車完固輕利可以任重致遠

辭過篇

子自愛不愛父欲虧父而自利弟自愛不愛兄欲虧兄而自利非兼愛也

句非原文

盜愛其室不愛異室故竊異室以利其室亦非

舊訛能兼愛

兼愛上篇

節葬之法三領之衣

原作衣三領

足以朽肉

節葬篇作蔽形

三寸之棺

墨子篇目考

漢書藝文志

墨子七十一篇

名翟爲宋大夫在孔子後

隋書經籍志

墨子十五卷目一卷

宋大夫翟撰

馬總意林

墨子十六卷

案墨子名翟高誘曰魯人一曰宋人爲宋大夫善守禦務儉嗇所著書漢志七十一篇隋唐志十五卷目一卷宋志十五卷楊倞荀子注云三十

五篇宋潛溪曰二卷親士至經說十三篇明堂策鑑刊本十五卷七十一篇與舊志合闕節用下節葬上中明鬼上中非樂中下非儒上共八篇蓋楊據篇名總計之

宋則未見全書也明刻文多重複似亦非古本但次第正與此同

君子自難而易彼

彼字補同下

衆人自易而難彼

親士篇

靈龜先灼神蛇先暴

先原作近

君子雖有學行爲本焉戰雖有陳勇爲本焉喪雖有禮哀

爲本焉

脩身篇

墨子見染絲而嘆曰染於蒼則蒼染於黃則黃非獨染絲然也國亦有染舜染許由桀染干辛

千舊作予說苑作干莘原有推哆韓非子

曰桀有紂染崇侯也

所染篇

侯哆

染崇侯也

篇

聖人爲舟車完固輕利可以任重致遠

辭過篇

子自愛不愛父欲虧父而自利弟自愛不愛兄欲虧兄而自利非兼愛也

句非原文

盜愛其室不愛異室故竊異室以利其室亦非能

舊訛兼愛篇

兼愛上篇

節葬之法三領之衣

原作衣三領

足以朽肉

節葬篇

三寸之棺

原作棺足以朽骸深則通於泉

原作掘穴深不通於泉流不發洩則止節葬篇亦云

三寸

下無及泉上無通

真節用中篇

諸侯不得恣已爲政有三公政之

政之之政原作正下同

三公不得恣已爲政有天

舊有政下字

之

天志下篇案此文兩見皆作有天政之

斷指以存脰

原作取下云利之中取大害之中取小也害之中取小非取害也取利也

以免於身者利

原作遇盜人而斷指以免身利也言雖受傷而身得免卽謂之利

大取篇

君子如鐘扣則鳴不扣則不鳴美義

原作

女處不出則爭求之行而自銜人莫之娶

公孟篇

墨子勸弟子學曰汝速學君

原作吾當仕汝弟子學暮年就

墨子責住

二字補原作責求也

墨子曰汝聞魯人語乎有昆弟五人

父死其長子嗜酒不肯預葬其四弟曰兄若送葬我當爲兄沽酒此下與原文小異葬訖就四弟求酒四弟曰子葬父豈獨吾父也吾恐人笑欺以酒耳今不學人自笑子故勸子也遂不復求仕墨子謂門人曰汝何不學對曰吾族無學者墨子曰不然豈謂欲好美而曰吾族無此辭不欲耶欲富貴而曰吾族無此辭不用耶強自力矣

甘瓜苦蒂天下物無全美

二句原書闕見埤雅引

古之學者得一善言附於其身今之學者得一善言務以說人言過而行不及

書鈔引新序齊王問墨子曰古之學者爲已今之學者爲人何如對曰古

之學者云云說人則爲墨子之言甚明

君子服美則益敬小人服美則益驕

案史記墨翟或曰竝孔子時或曰在其後張衡謂當子思時出仲尼後也抱朴子小司馬皆言在其後七十子後史鄒陽書曰宋信子罕之計囚墨翟漢書子罕作子冉意其生稍後孔子而先如孟子者歎竊謂儒與楊墨猶陰與陽而墨較近理故與楊同一塞路同經孟子辭闢而墨氏之書至今猶有傳者甚至尸佼謂孔子貴公墨子貴兼其實則一韓非子顯學篇孔墨竝尊史傳以墨附孟范書言墨孟之徒韓昌黎謂孔子必用墨子墨子必用孔子是豈特秦越同舟已哉荀卿書雖不醇其禮論篇譏墨子薄葬反覆數百言大旨謂以倍叛之心事親棺槨三十衣衾三領爲刑餘罪人之喪又謂刻死而附生所見實出孔鮒詰墨之上唐開元從祀孔庭其以此歟

唐書經籍志

墨子十五卷

墨翟撰

新唐書藝文志

墨子十五卷

墨翟

翟

宋史藝文志

墨子十五卷

宋墨翟撰

鄭樵通志藝文略

墨子十五卷

宋墨翟撰

考

馬端臨文獻通考經籍考

墨子十五卷

王應麟玉海

書目云墨子十五卷自親士至雜守爲六十一篇亡凡一

本自親士至上同凡十三篇

晁公武郡齋讀書志

墨子十五卷宋墨翟撰戰國時爲宋大夫著書七十一篇以貴儉兼愛尊賢右鬼非命尚舊本作上同爲說云苟孟皆非之而韓愈獨謂辨生於末學非二師之道本然也  
陳振孫直齋書錄解題

墨子三卷宋大夫墨翟撰孟子所謂邪說詖行與楊朱同科者也韓吏部推尊孟氏而讀墨一章乃謂孔墨相爲用何哉漢志七十一篇館閣書目有十五卷六十一篇者多訛脫不相聯屬又曰本止存十三篇者當是此本也方楊墨之盛獨一孟子訟言非之諄諄焉惟恐不勝今楊朱書不傳列子僅存其餘墨氏書傳於世者亦止於此孟子越百世益光明遂能上配孔氏與論語並行異端之學安能

抗吾道哉

錢曾讀書敏求記

墨子十五卷潛溪諸子辨云墨子三卷戰國時宋大夫墨翟撰上卷七篇號曰經中卷下卷六篇號曰論共十三篇考之漢志七十一篇館閣書目則六十一篇已亡節用節葬明鬼非樂非儒等九篇今書則又亡多矣潛溪之言如此予藏宏治己未舊抄本卷篇之數恰與其言合又藏會稽鈕氏世學樓本其十五卷七十一篇內亡節用等九篇蓋所謂館閣書目本或卽此歟潛溪博覽典籍其辨訂不冇聊且命筆而止題爲三卷豈猶未見完本歟抑此書兩行于世而未及是正歟姑識此以詢藏書家

焦竑國史經籍考

墨子十五卷又三卷

樂臺注

墨子篇目考

靈巖山館刊

墨子敘

岳岱節叢叢齋副都史巡撫陝西等處右贊理軍務糧餉欽賜一品頭帶革元撰  
墨子七十一篇見漢藝文志隋以來爲十五卷目一卷見  
隋經籍志宋亡九篇爲六十一篇見中興館閣書目實六  
十三篇後又亡十篇爲五十三篇卽今本也本存道藏中  
缺宋諱字知卽宋本又三卷一本卽親士至尚同十三篇  
宋王應麟陳振孫等僅見此本有樂臺注見鄭樵通志藝  
文略今亡案通典言兵有守拒法而不引墨子備城門諸  
篇王海云後漢書注引墨子備突篇詩正義引墨子備衝  
篇似亦未見全書疑其失墜久也今

上開四庫館求天下遺書有兩江總督採進本謹案亦與

此本同自此本以外有明刻本其字少見皆以意改無經上下及備城門等篇蓋無足觀墨書傳述甚少得毋以孟子之言轉多古言古字先是仁和盧學士文弨陽湖孫明經星衍互校此書略有端緒沅始集其成因徧覽唐宋類書古今傳注所引正其譌謬又以知聞疏通其惑自乾隆壬寅八月至癸卯十月踰二歲而書成世之譏墨子以其節葬非儒說墨者既以節葬爲夏法特非周制儒者弗用之非儒則由墨氏弟子尊其師之過其稱孔子諱及諸毀詞是非翟之言也案他篇亦稱孔子亦稱仲尼又以爲孔子言亦當而不可易是翟未嘗非孔孔子之言多見論語家語及他緯書傳注亦無斥墨詞至孟子始云能言距揚

墨者聖人之徒又云楊墨之道不息孔子之道不著蓋必當時爲墨學者流爲橫議或類非儒篇所說孟子始嫉之故韓非子顯學云墨離爲三取舍相反不同而皆自謂真孔墨韓愈云辯生于末學各務售其師之說非二師之道本然其知此也今惟親士脩身及經上經下疑翟自著餘篇稱子墨子耕柱篇并稱子禽子則是門人小子記錄所聞以是古書不可忽也且其魯問篇曰凡入國必擇務而從事焉國家昏亂則語之尚賢尚同國家貧則語之節用節葬國家惠音湛湎則語之非樂非命國家淫僻無禮則語之尊天事鬼國家務奪侵凌則語之兼愛是亦通達經權不可訾議又其備城門諸篇皆古兵家言有寔用焉書

稱中山諸國亡於燕代胡貊之閒。攷中山之滅在趙惠文王四年當周赧王二十年則翟實六國時人至周末猶存故史記云或曰並孔子時或曰在其後班固亦云在孔子後司馬貞按別錄云墨子書有文子文子子夏之弟子問於墨子如此則墨子者在七十子後李善引抱朴子亦云孔子時人或云在其後今按其人在七十子後若史記鄒陽傳鄒陽曰宋信子罕之計而囚墨翟司馬貞云漢書作子冉不知子冉是何人文穎曰子冉子罕也荀卿傳云墨翟孔子時人或云在孔子後又襄公二十九年左傳宋饑子罕請出粟時孔子適八歲則墨翟與子罕不得相輩或以子冉爲是不如如何也又文選亦作子冉注云文子曰

子罕也冉音任義曰未詳沅亦不能定其時事又司馬遷班固以爲翟宋大夫葛洪以爲宋人者以公輸篇有爲宋守之事高誘注呂氏春秋以爲魯人則是楚魯陽漢南陽縣在魯山之陽本書多有魯陽文君問荅又亟稱楚四竟非魯衛之魯不可不察也先秦之書字少假借後乃偏旁相益若本書源流之字作原一又作源金以溢爲名之字作益一又作鑑四竟之字作竟一又作境皆傳寫者亂之非舊文乃若賊叛百姓之爲殺字古文遂而不反合于遂亡之訓關叔之卽管叔實足以証聲音文字訓詁之學好古者幸存其舊云如其疏略以俟敏求君子乾隆四十八年歲在昭陽單閼涂月敘於西安節署之環香閣

墨子後敘

乾隆四十八年癸卯十二月弇山先生旣刊所注墨子成以星行涉于諸子之學命作後敘星行以固陋辭不獲命敘曰墨子與孔異者其學出于夏禮司馬遷稱其善守禦爲節用班固稱其貴儉兼愛上賢明鬼非命上同此其所長而皆不知墨學之所出淮南王知之其作要略訓云墨子學儒者之業受孔子之術以爲其禮煩擾而不說厚葬靡財而貧民服傷生而害事故背周道而用夏政其識過于遷固古人不虛作諸子之教或本夏或本殷故韓非著書亦載棄灰之法墨子有節用節用禹之教也孔子曰禹菲飲食惡衣服卑宮室吾無閒然又曰禮與其奢寧儉又

墨子卷第十一  
曰道千乘之國節用是孔子未嘗非之又有明鬼是致孝  
鬼神之義兼愛是盡力溝洫之義孟子稱墨子摩頂放踵  
利天下爲之而莊子稱禹親自操橐耜而裸天下之川腓  
無股脰無毛沫甚風櫛甚雨列子稱禹身體偏枯手足胼  
胝呂不韋稱禹憂其黔首顏色黎墨竅藏不通步不相過  
皆與書傳所云予弗子惟荒度土功三過其門而不入思  
天下有溺者猶已溺同其節葬亦禹法也尸子稱禹之  
喪法死於陵者葬於陵死於澤者葬於澤桐棺三寸制喪  
三日當爲月見後漢書注淮南子要略稱禹之時天下大水  
死陵者葬陵死澤者葬澤故節財薄葬閑服生焉又齊俗  
稱三月之服是絕哀而迫切之性也高誘注云三月之服

是夏后氏之禮葬非子顯學稱墨者之葬也冬日冬服夏  
日夏服桐棺三寸服喪三月而此書公孟篇墨子謂公孟  
曰子法周而未法夏也子之古非古也又公孟謂子墨子  
曰予以三年之喪爲非子之三日當爲月之喪亦非也云云  
然則三月之喪夏有是制墨始法之矣孔子則曰吾說夏  
禮杞不足徵吾學周禮今用之吾從周又曰周監於二代  
郁郁乎文哉吾從周周之禮尚文又貴賤有法其事具周  
官儀禮春秋傳則與墨書節用兼愛節葬之旨甚異孔子  
生於周故尊周禮而不用夏制孟子亦周人而宗孔故于  
墨非之勢則然焉若覽其文亦辨士也親士脩身經上經  
下及說凡六篇皆翟自著經上下略似爾雅釋詁文而不

解其意指又怪漢唐以來通人碩儒博貫諸子獨此數篇  
莫能引其字句以至于今傳寫謬錯更難鉤乙晉書魯勝  
傳云勝注墨辯存其敘曰墨子著書作辯經以立名本惠  
施公孫龍祖其學以正刑名顯於世孟子非墨子其辯言  
正詞則與墨同荀卿莊周等皆非毀名家而不能易其論  
也又曰墨辯有上下經經各有說凡四篇與其書衆篇連  
第故獨存今引說就經各附其章疑者闕之又采諸衆襍  
集爲刑名二篇略解指歸以俟君子如所云則勝曾引說  
就經各附其篇恨其注不傳無可徵也備城門諸篇具古  
兵家言惜其脫誤難讀而弇山先生于此書悉能引据傳  
注類書匡正其失又其古字古言通以聲音訓故之原裕

然解釋是當與高誘注呂氏春秋司馬彪注莊子許君注  
淮南子張湛注列子並傳於世其視楊倞盧辯空疏淺略  
則偶然過之時則有仁和盧學士抱經大興翁洗馬覃谿  
及星衍三人者不謀同時共爲其學皆折衷于先生或此  
書當顯幸其成帙以惠來學不覺僭而識其末也陽湖孫  
星衍撰

墨子卷之一

**兵部侍郎兼都察院右副都御史巡撫陝西等處鹽寶糧餉** 節一品員外郎沈榮  
**親士第** 一衆經音義云倉頡篇曰親愛也近也說文解字云士以一以十九子曰准十合一爲士玉

親土第

衆經音義云倉頡篇曰親愛字云士从一从十孔子曰推

經音義云倉頡篇曰親疊云士从一从十孔子曰推

說文解

脩身篇無稱子墨子云疑翟所著也  
入國而不存其士則亡國矣見賢而不急則緩其君矣非  
賢無急非士無與慮國緩賢忘士而能以其國存者未會  
有也昔者文公出走而正讀如征天下桓公去國而霸諸侯  
越王勾踐遇吳王之醜而尙攝中國之賢君尙與上通攝  
侯郭璞注爾雅云合攝同聶三子之能達名成功於天下也皆於其國  
抑而大醜也猶日安其大醜太上無敗李善文選注云河  
上謂太古無名之君也廣雅云抑安也老子云太  
其次敗而有以成此之謂用民吾聞之曰非

非無安居也。非無足財也。非無心也。  
好利之言。自處于難。卽身自安。如  
不知足。是故君子自難而易。彼厚而薄責人之義。

自易而難。彼君子進不敗其志。內不省。不疚。雖襍庸民。終無怨心。  
言遺株。舊脫此字。據上文增。究其情疚。

故江河不惡小谷之滿已也故能大聖人者事無辭也物無違也故能爲天下器是故江河之水非一水之源也舊云非一源也據初學記江引此增二字襄引此與舊同葬文類聚引作非一水之源北堂書抄引作非一源之水古無源字本書脩身云原濁者流不清鑑从俗寫只作原此類俗寫亂之非舊文也千鑑之襄本書貴義云待女以干益只作益文選注云賈逵國語注日一溢四十兩漢書食貨志云黃金以溢爲名孟康曰二十兩爲溢四兩漢書食貨志云黃金以溢爲名孟康曰二十兩爲溢言聖人之與士同方相合猶江河同源相得烏有不取諸此而自止者蓋非兼王之道也是故天地不昭昭大水不潦潦說文云潦雨大兒然此義與魚也大火不燎燎說文云燎火大也王德不堯堯說文云堯高也从垚在兀也曉曉至乃干人之長也其直如矢其平如砥不足以覆萬物是故谿陗者速涸說文云涸渴也上高遠也白虎通云堯猶曉曉至乃干人之長也其直如矢其平如砥不足以覆萬物是故谿陗者速涸說文云涸渴也上高遠也白虎通云堯猶曉曉至乃干人之長也其直如矢其平如砥不足以覆萬物是故谿陗者速涸說文云涸渴也上高遠也白虎通云堯猶

不出宮中則不能流國矣

○脩身第二

脩治之字从彑因者脩脯字經典假借多用此

君子戰雖有陳而勇爲本焉喪雖有禮而哀爲本焉士雖有學而行爲本焉是故置本不安者無務豐末近者不親無務來遠親戚不附無務外交事無終始無務多業舉物而聞無務博聞是故先王之治天下也必察邇來遠君子察邇而邇脩者也見不脩行句見毀句而反之身者也此以怨省而行脩矣譖慝之言玉篇云慝他得切惡也無入于耳批扞之聲說文云扞忮也玉篇云忤無出入人之孩當讀如無存之心雖有詆訐之民說文云詆訐也根荄計面相斥罪也

玉篇云誠都禮切許居無所依矣故君子力事日彊願欲謁切攻人之陰私也

日逾設壯疑作莊日盛君子之道也貧則見廉富則見義當爲弟說文云墨翟書義从弗則漢時本如此今書義字皆俗改也

生則見愛死則見哀四

行者不可虛假反之身者也藏於心者無以竭愛動於身者無以竭恭出於口者無以竭馴暢之四交接之肌膚華髮嘵字當爲墮顛而猶弗舍者其唯聖人乎志不彊者智不達言不信者行不果文選注云許君注淮南子云果成也據財不能以分人者不足與友守道不篤徧物不博辯是非不察者不足與游本不固者未必幾廣雅云幾微也或禾字之假音雄猶說文云禾木之曲頭不能上也雄勇

而不脩者其後必惰原濁者流不清行不信者名必耗舊未非玉篇云耗可到切減也敗也

名不徒生而譽不自長詩云耗斂下土又云耗正作耗

功成名遂名譽不可虛假反之身者也務言而緩行雖辯必不聽多方而伐功雖勞必不圖慧者心辯而不繁說多力而不伐功此以名譽揚天下言無務爲多而務爲智無務爲文而務爲察故彼當爲非智無察在身而情反其路者辯於身者不立名不可簡而成也譽不可巧而立也君子以身戴行者也思利尋焉尋習忘名忽焉可以爲士於天下者未嘗有也

所染第三呂氏春秋有當染篇文略同

子墨子言見染絲者而歎曰染於蒼則蒼染於黃則黃所入者變其色亦變五入必一本無而已則呂氏春秋爲無此字

爲五

色矣

後漢書注引作五入之則爲五色

故染不可不慎也

非獨染絲然也國亦有染

太平御覽俱作治國亦然又節文舜染於

許由伯陽

高誘注呂氏春秋云伯陽蓋老子也舜時師之者也楊倞注荀子云老子姓李字伯陽號聃著書五千言案此云禹染於臯陶伯益湯染於伊尹仲虺武

舜染則非聃也禹染於臯陶伯益湯染於伊尹仲虺武

王染於太公周公此四王者所染當故王天下立爲天子

功名蔽天地舉天下之仁義顯人必稱此四王者夏桀染於

干辛呂氏春秋云夏桀染於羊辛又慎大云桀爲無道于辛任威陵轢諸侯以及兆民高誘曰于辛桀之訛臣

說苑云桀用干莘班固古今人表云于辛桀之訛臣崇侯與之爲惡則行表又作于莘同說苑推哆云王手禽

推哆大戲下又云推哆大戲

主別兜虎指畫殺人古今人表作雅侈利近榮二卿士

殷紂染於崇侯惡來厲

王染於厲公長父

呂氏春秋厲作虢利近榮二卿士記云厲王好

夷公

王染於傅公夷蔡

一本作公穀呂氏春秋作虢

作祭公穀公鼓祭公敦

此

四王者所染不當故國殘身死爲天下僇

此戮字假音

舉天下

不義辱人必稱四王者齊桓染於管仲鮑叔晉文染於舅

犯高偃未詳呂氏春秋高作郤

楚莊染於孫叔沈尹

呂氏春秋

作沈尹蒸又贊賢有沈尹莖楚莊王欲以爲令

尹沈尹莖作沈尹莖春秋尊師云吳王闔閭師伍子胥文之儀高誘

孫叔敖沈申巫高誘曰沈縣大夫新序

作沈尹莖春秋尊師云吳王闔閭師伍子胥文之儀高誘

文義呂氏春秋尊師云吳王闔閭師伍子胥文之儀高誘

設諸音之緩急

越勾踐染於范蠡大夫種

高誘注呂氏春秋作黃籍

氏字子禽楚之鄒人

此五君所染當故霸諸侯功名傳於後世范吉

射染於長柳朔王勝

呂氏春秋長作張勝作生字高誘注

者吉射家臣也

中行寅染於籍秦高彊

呂氏春秋作黃籍

晋大夫中行穆子之子荀子也黃籍秦高彊其家臣高彊

齊子尾之子奔晉爲中行氏之臣史記索隱云系本籍秦

柳朔王生二人者吉射家臣也

中行寅染於籍秦高彊

泰非高誘注云寅

晉大夫籍游之子

吳夫差染於王孫雄

舊誤

太宰嚭

高誘注

孫籍談之子

呂氏春秋

荀伯宗之子

知伯搖

一本作瑞

染於智國張武中山尙

染

於魏義偃長

呂氏春秋作偃

高誘注云尙魏公子牟

宋康

秋云嘉

呂氏春秋

州黎之子

知伯搖

一本作瑞

染於智國張武中山尙

染

於魏義偃長

呂氏春秋作偃

高誘注云尙魏公子牟

宋康

染於唐鞅佃不禮

呂氏春秋作偃

田是禮

作禋誤

此六君者所染

不當故

君臣離

國家

呂氏春秋作皆殘亡

身爲刑戮宗廟破滅絕無後類

君臣離

散民人流亡舉

呂氏春秋作皆殘亡

天下之貪暴苛擾者

擾饑字之誤

經典通用此

必稱此

六君也

凡君之所以安者何也以其行理也

行理性於染

當性當爲生

本作在誤

故善爲君者勞於論

企

人而佚於治官不能

爲君者傷形費神愁心勞意然國逾危身逾辱

此六君者

非不重其國愛其身也以不知要者所染

不當也

非獨國有染也士亦有染其友皆好仁義淳謹畏令

則家曰益身曰安名曰榮處官得其理矣

理猶治

則段干木

呂氏春秋云田子方

禽子

呂氏春秋云禽滑釐學于墨子

許犯學于禽滑釐此稱禽子則

學于子夏段干木

禽子

呂氏春秋云禽滑釐學于墨子

許犯學于禽滑釐此稱禽子則

墨子門人小

傳說之徒是也

其友皆好矜奮創作比周則

子之文矣

傳說之徒是也

其友皆好矜奮創作比周則

擇所堪

堪當爲堪

必謹所堪者此之謂也

法儀第四

法說文云灋刑也平之如水从水虧所以觸

經傳或作豎貉此作刀者貉省文舊作刀非玉篇云刀丁彥切亦姓俗作刀

詩曰必

與儀音相近又說文云儀度也亦通

子墨子曰天下從事者不可以無法儀無法儀而其事能成者無有雖至士之爲將相者皆有法雖至百工從事者亦皆有法百工爲方以矩爲圓以規直以繩正以縣

此縣挂正

字

無巧工不巧工皆以此五者爲法。巧者能中之。

史記索隱云倉

韻篇云中得也。不巧者雖不能中放依以從事也。說文云彷相似猶

逾已。于已猶勝故百工從事皆有法所度今大者治天下其次

治大國而無法所度此不若百工辨也。

說文云辯洽也。然則奚以辯洽也。

爲治法而可當皆法其父母奚若與何天下之爲父母者衆而仁者寡若皆法其父母此法不仁也。法不仁不可以爲法當皆法其學奚若天下之爲學者衆而仁者寡若皆法其學此法不仁也。法不仁不可以爲法當皆法其君奚若天下之爲君者衆而仁者寡若皆法其君此法不仁也。法不仁不可以爲法故父母學君三者莫可以爲治法而可然則奚以爲治法而可故曰莫若法天。天之行廣而無

私其施厚而不德其明久而不衰故聖王法之既以天爲法動作有爲必度於天天之所欲則爲之天所不欲則止然而天何欲何惡者也天必欲人之相愛相利而不欲人之相惡相賊也奚以知天之欲人之相愛相利而不欲人之相惡相賊也以其兼而愛之兼而利之也奚以知天兼而愛之兼而利之也以其兼而有之兼而食之也今天下無大小國皆天之邑也人無幼長貴賤皆天之臣也此以莫不物羊。當云牛羊。豢犬豬。說文云物以芻莖養牛也。豢以穀芻陸德明莊子音義云司馬云牛羊曰芻。大豕曰豢。絜爲酒醴粢盛。潔字正作絜說稻餅也。然則粢以敬事天。此不爲兼而有之兼而食之邪。盛之字作粢。天苟兼而有食之夫奚說以不欲人之相愛相利也故曰

愛人利人者天必福之惡人賊人者天必禍之日殺不辜者得不祥焉夫奚說人爲其相殺而天與禍乎是以天欲人相愛相利而不欲人相惡相賊也昔之聖王禹湯文武兼愛舊脫此字以意增天下之百姓率以尊天事鬼其利人多故天福之使立爲天子天下諸侯皆賓事之暴王桀紂幽厲兼惡天下之百姓率以詬天侮鬼賊其人多故天禍之使遂失其國家身死爲禍於天下後世子孫毀之至今不息故爲不善以得禍者桀紂幽厲是也愛人利人以得福者禹湯文武是也愛人利人以得福者有矣惡人賊人以得禍者亦有矣

七患第五

子墨子曰國有七患七患者何城郭溝池不可守而治宮室一患也邊國至境當爲竟本書耕柱云楚四竟之田只作竟四鄰莫救二患也先盡民力無用之功賞賜無能之人民力盡於無用財寶虛於待客三患也仕者待祿游者憂反君脩法討臣憚而不敢拂四患也君自以爲聖智而不問事自以爲安彊而無守備四鄰謀之不知戒五患也所言不忠所忠不信六患也畜種菽粟菽正爲未不足以食之大臣不足以舊脫此字一本有事之賞賜不能喜誅罰不能威七患也以七患居國必無社稷國稷爲韻以七患守城敵至國傾城傾爲韻七患之所當國必有殃當殃爲韻凡五穀者民之所仰也君之所以爲養也故民無仰則君無養仰養爲韻民無食則不可事食事爲韻故食不可

不務也地不可不立也用不可不節也

立節爲韻

五穀盡收則

五味盡御於主不盡收則不盡御

主御爲韻

一穀不收謂之饉

二穀不收謂之旱三穀不收謂之凶四穀不收謂之饑

漢書

食貨志云負擔饑饉師古曰餽亦饋字言須饋餉

五穀不收謂之饑

太平御覽引

五穀不收謂之饑

字五穀不孰謂之大侵

八字舊脫据蓺文類聚增穀梁傳

之饑三穀不升謂之饉四穀不升謂之

大侵爾雅云穀不孰爲饑蔬不孰爲饉果不孰爲荒與此

異歲饉則仕者大夫以下皆損祿五分之一旱則損五分

之二凶則損五分之三饑則損五分之四饑大侵

二字舊脫据蓺

聚增則盡無祿稟食而已矣故凶饑存乎國人君徹鼎食

五分之五大夫徹縣士不入學君朝之衣不革制諸侯之

客四鄰之使雍食

疑一饔字說文云饔

而不盛徹驂駢

高誘注呂氏春秋

秋云在中曰服在邊曰駢塗不芸道之脩遠只作涂芸省文馬不食粟婢妾不衣帛此告不足之至也今有負其子而汲者隊其子於井中

此墮正字說文云隊

其母必從而道之今歲凶民饑道饑重其子

其子言重于

此疚於隊其可無察邪故

且惡夫民何常此之有

句爲者疾食者衆則歲無豐故曰

財不足則反之時食不足則反之用故先民以時生財固

本而用財則財足故雖上世之聖王豈能使五穀常收而

旱水不至哉然而無凍餓之民者何也其力時急而自養

儉也故夏書曰禹七年水殷書曰湯五年旱

管子權數云管子曰湯七年

年旱禹五年水與此文互異莊子秋水云湯之時八年七年旱荀子王霸云禹十年水湯七年旱賈誼新書云禹有十

年之蓄故免九年之水湯有十年之積故勝七年之旱淮南子王術云湯之時七年旱又異此其離凶

餓甚矣

如羅離讀

然而民不凍餓者何也其生財密其用之節

也故食無備粟不可以待凶饑庫無備兵雖有義不能征

無義城郭不備全不可以自守心無備慮不可以應卒是

若慶忌無去之心不能輕出

言慶忌雖勇猶輕出致死昔吳王患慶忌之在鄰國恐合

諸侯來伐要離詐以負罪出奔戮妻子斷右手如衛求見慶忌與東之吳渡江中流順風而刺慶忌事見吳越春秋

閨間內傳夫桀無待湯之備故放紂無待武之備故殺桀紂貴

爲天子富有天下然而皆滅亡於百里之君者何也有富

貴而不爲備也故備者國之重也食者國之寶也兵者國

之爪也城者所以自守也

寶爪守爲韻

此三者國之具也故曰

以其極賞以賜無功虛其府庫以備車馬衣裘奇怪苦其

役徒以治宮室觀樂死又厚爲棺槨舊作槨俗寫多爲衣裘生

時治臺榭

當爲謝荀子王霸云臺謝甚高揚倞曰謝榭同陸德明左氏音義云榭本亦作謝知古無榭字

死又脩墳墓故民苦於外府庫單於內

史記云王之威亦按單亦作殫索隱云丹單盡也

上不厭其樂下不堪其苦故國離寇敵則傷

如羅離讀

民見凶饑則亡此皆備不具之罪也且夫食

者聖人之所寶也故周書曰國無三年之食者國非其國也家無三年之食者子非其子也此之謂國備

周書云夏箴曰小人

無兼年之食遇天饑妻子非其有也大夫無兼年之食遇天饑臣妾輿馬非其有也墨蓋夏教故義略同

辭過第六

辭受之字从受經典假借用此過謂宮室衣服飲食舟車蓄私五者之過也

子墨子曰古之民作太平御覽引上古之民未知爲宮室

舊脫此字据太平御覽增

時就陵阜而居穴而處下潤濕傷民

三句太平御覽節故聖王太平

平

御覽引作人爲宮室爲宮室之法太平御覽引作制曰高足以辟潤  
濕辟避字邊太平御覽引作禦足以圉風寒劉達注左思賦引作非中足以圉禁也上足以待雪霜雨露官牆之高太平御覽引作禦足以別男女之禮謹此則止謹塵字假音費財勞力不加利者不爲也此下舊接是故聖王役當云以其常脩役上脫三字脩其城郭則民勞也作爲官室云云今移役上脫三字役役其城郭則民勞此也苦於厚作斂於百姓舊三十九字在作誨婦人治之下盧學士校云當在此今移是故聖王作爲宮室便於生太平御覽引作以便生不以爲觀樂也作爲衣服帶履便於身不以爲僻怪也辟辟字假音故節於身誨於民是以天下之民可得而治財用可得而足當今之主其爲宮室則與此異矣必厚作斂於百姓暴奪民衣食

之財以爲官室臺榭曲直之望青黃刻鏤之飾已上六句  
太平御覽  
節爲官室若此故左右皆法象之是以其財不足以待凶  
饑賑孤寡故國貧而民難治也君實欲天下之治而惡其  
亂也當爲官室不可不節古之民未知爲衣服時衣皮文  
藝  
類聚引作衣皮毛非帶菱說文云菱乾芻冬則不輕而溫夏則不輕而清聖  
王以爲不中人之情故作誨婦人治已上舊有役脩其城  
郭云云四十八字今  
移絲麻相布絹相字當爲稠說文云糸束也以爲民衣爲衣服之法冬  
前絲麻相布絹相字當爲稠說文云糸束也以爲民衣爲衣服之法冬  
則練帛之中中讀去聲足以爲輕且煖文選注引作燠夏則絲繩且  
已上七字舊脫北堂書抄增清謹此則止故聖人爲衣服適身體和肌膚北堂書抄引云以適身體以和肌膚而足矣非榮耳目而觀愚民也當是  
之時堅車良馬不知貴也刻鏤文采不知喜也何則其所

道之然，故民衣食之財家足以待旱水凶饑者何也？得其所以自養之情而不感於外也。是以其民儉而易治，其君用財節而易瞻也。呂氏春秋適音云不充則不詹高誘曰詹足也詹讀如澹然無爲之澹文選注云許君注淮南子云澹足也古無从貝字此俗寫府庫實滿足以待不然，棄華不頓，士民不勞足以征不服。故霸王之業可行於天下矣。當今之王其爲衣服，則與此異矣。冬則輕煥，夏則輕清，皆已具矣。必厚作斂於百姓，暴奪民衣食之財，以爲錦繡文采，靡曼衣之鑄金，以爲鈎珠玉以爲珮。當爲佩古無此字女工作文采，男工作刻鏤，以爲身服。此非益煥之情也，單財勞力畢歸之於無用。以此觀之，其爲衣服非爲身體，皆爲觀好。是以其民淫僻而難治，其君奢侈而難諫也。夫以奢侈之

君御好淫僻之民，欲國無亂不可得也。君實欲天下之治而惡其亂，當爲衣服不可不節。古之民未知爲飲食，時素食而分處，故聖人作誨，男耕稼樹藝。古只作執說文云執種也从圭𠂔持而種之以爲民食，其爲食也足以增氣充虛疆體，適腹而已矣。故其用財節，其自養儉民富國治。今則不然，厚作斂於百姓以爲美食，芻豢蒸炙魚鼈。太平御覽引此炙作庖鼈作蟹大國累百器，小國累十器，美食方丈。舊作前方丈三字今據文選注兩引改美食方丈太平御覽作前則方丈目不能徧視，手不能徧操，口不能徧味。冬則凍冰，夏則飾餧。餧若覆食之幕是也人君爲飲食如此，故左右象之。是以富貴者奢侈，孤寡者凍餧。當爲餧說文雖舊脫此字云餧饑也據太平御覽欲無亂不可得也。君實欲天下治而惡其亂，當爲飲食。

不可不節。古之民未知爲舟車時，重任不移，遠道不至。故聖王作爲舟車，以便民之事，其爲舟車也全。太平御覽引作完輕利可以任重，致遠其爲用財少而爲利多，是以民樂而利之。故法令不急而行，民不勞而上。舊作止，本如此一足用，故民歸之。當今之主，其爲舟車與此異矣。全固輕利皆已具，必厚作斂於百姓，以飾舟車，飾車以文采，飾舟以刻鏤。女子廢其紡織，而脩文采；故民寒。男子離其耕稼，而脩刻鏤，故民饑。人君爲舟車若此，故左右象之，是以其民饑寒並至。故爲姦袤，多則刑罰深，刑罰深則國亂。太平御覽引云而國亂矣君實欲天下之治，而惡其亂，當爲舟車，不可不節。凡回於天地之間，包於四海之內，天壤之情，陰陽之和，莫不有也。雖至

聖不能更也。何以知其然？聖人有傳，天地也則曰上下，四時也則曰陰陽，人情也則曰男女，禽獸也則曰牡牝雄雌。也真天壤之情，雖有先王不能更也。雖上世至聖，必蓄私不以傷行，故民無怨官，無拘女，故天下無寡夫，內無拘女，外無寡夫。故天下之民衆，當今之君，上俱其蓄私也。大國拘女累千，小國累百，是以天下之男多寡，無妻女多拘，無夫男女。舊作子，本如此失時，故民少。君實欲民之衆，而惡其寡，當蓄私，不可不節。凡此五者，聖人之所儉節也。小人之所淫佚也。儉節則昌，淫佚則亡。此五者，不可不節。夫婦節而天地和，風雨節而五穀孰，衣服節而肌膚和。

三辯第七

此辯聖王雖用樂而治不在此者，謂堯舜及湯及武王也。

程繁

太平御覽引作程子

問於子墨子曰聖王不爲樂昔諸侯倦於

聽治息於鐘鼓之樂士大夫倦於聽治息於竽瑟之樂農

夫春耕夏耘

說文云賴除苗間穢

秋斂冬藏

古只作臧

息於貯

當爲缶

太平御覽引作吟謡是也缶是缶字之壞

之樂今夫子曰聖王不爲樂

此譬之猶馬駕而不稅

作脫同

弓張而不弛無乃非有

血氣者之所不能至邪子墨子曰昔者堯舜有茅茨者

茅茨

舊作第期今據太平御覽改

且以爲禮且以爲樂湯放桀於大水環天下自立以爲王

樂命曰謾又脩

舊作脩今以意改

九招

已上下六字舊脫今據太平御覽增

呂氏春秋云湯

伊尹作爲大謾歌露脩九招六列

武王勝殷殺紂環天下自立以爲王

事成功立無後患因先王之樂又自作樂命曰象周成

王因先王之樂命曰騶虞

呂氏春秋云周公爲三象乃成王之樂此云象又是武王作未

周成王之治天下也不若武王武王之治天下也不若

成湯成湯之治天下也不若堯舜故其樂逾繁者其治逾

寡自此觀之樂非所以治天下也程繁曰子曰聖王無樂

此亦樂已若之何其謂聖王無樂也子墨子曰聖王之命

也多寡之食之利也以知饑而食之者智也因爲無智矣

今聖有樂而少此亦無也

言人所以生者食之利但必以知饑而食之否則非智今聖人雖用樂而少此亦無違

于聖人無下疑有脫字

墨子卷之一

靈巖山館刊

墨子卷之二

兵部郎中都察院右副都御史巡撫陝西等處鹽鐵兼糧餉欽賜三品頭帶畢沅校注

尚賢上第八

說文云賢多才也玉篇云有善行也尚與上同

子墨子言曰古者王公大人爲政於國家者皆欲國家之富人民之衆刑政之治然而不得富而得貧不得衆而得寡不得治而得亂則是本失其所欲得其所惡是其故何也子墨子言曰是在王公大人爲政於國家者不能以尚賢事能爲政也是故國有賢良之士衆則國家之治厚賢良之士寡則國家之治薄故大人之務將在於衆賢而已曰然則衆賢之術將柰何哉子墨子言曰譬若欲衆其國之善射御之士者必將富之貴之敬之譽之然后國之善

射御之士將可得而衆也況又有賢良之士厚乎德行辯乎言談博乎道術者乎此固國家之珍而社稷之佐也佐富亦必且富之貴之敬之譽之然后國之良士亦將可得而衆也是故古者聖王之爲政言曰不義不富不義不貴不義不親不義不近是以國之富貴人聞之皆退而謀曰始我所恃者富貴也今上舉義不辟遠貧賤然則我不可不爲義親者聞之亦退而謀曰始我所恃者親也今上舉義不辟親疏然則我不可不爲義近者聞之亦退而謀曰始我所恃者近也今上舉義不辟近然則我不可不爲義遠者聞之亦退而謀曰我始以遠爲無恃今上舉義不辟遠然則我不可不爲義逮至遠鄙郊外之臣門庭庶子國中

之衆四鄙之萌人萌氓字之假音聞之皆競爲義是其故何也曰上之所以使下者一物也下之所以事上者一術也譽之富舊作異本如是一者有高牆深宮牆立既謹上爲鑿一門有盜入闔其自入言所從入之門而求之盜其無自出是其故何也則上得要也故古者聖王之爲政列德而尚賢雖在農與工肆之人有能則舉之高予之爵重予之祿任之以事斷予之令曰爵位不高則民弗敬蓄祿不厚則民不信政令不斷則民不畏舉三者授之賢者非爲賢賜也欲其事之成故當是時以德就列以官服事以勞殿賞殿讀奔而殿量功而分祿故官無常貴而民無終賤有能則舉之無能則下之舉公義辟私怨辟讀如辟舉之辟此若言之謂也故古者堯舉

舜於服澤之陽未詳其地服與蒲<sup>音</sup>之緩授之政天下平禹舉益於陰方之中未詳其地授之政九州成湯舉伊尹於庖厨之中韓非子云上古有湯至聖也伊尹至智也然且七十說而不受身執鼎俎爲庖宰昵近習親湯乃僅知其賢而舉之文選注云魯連子曰伊尹負鼎佩刀以授千湯得意故尊爲宰舍又云文子曰伊尹負鼎而子湯授天泰顛事古者書傳未湮翟必有據授之政西土服故當是時雖在於厚祿尊位之臣莫不敬懼而施下詩免置有公侯腹心之語而爲說恐此詩卽賦閔天泰顛事古者書傳未湮翟必有據事未詳或以農與工肆之人莫不競勸而尚意故士者所以爲輔相承嗣也故得士則謀不困體不勞名立而功業彰而惡不生則由得士也是故子墨子言曰得意賢士不可不舉不得意賢士不可不舉尚欲祖述堯舜禹湯之道將不可以不是時雖在於厚祿尊位之臣莫不敬懼而施下詩免置有公侯腹心之語而爲說恐此詩卽賦閔天泰顛事古者書傳未湮翟必有據事未詳或以

尚賢夫尚賢者政之本也

尚賢中第九

子墨子言曰今王公大人之君人民主社稷治國家欲脩保而勿失故一本作胡不察尚賢爲政之本也盧云當云尚賢之爲政本何以知尚賢之爲政本也曰自貴且智者爲政乎愚且賤者則治自愚賤者爲政乎貴且智者則亂是以知尚賢之爲政本也故古者聖王甚尊尚賢而任使能不黨父兄不偏貴富不嬖顏色賢者舉而上之富而貴之以爲官長不肖者抑而廢之貧而賤之以爲徒役是以民皆勸其賞畏其罰相率而爲賢者以賢者衆而不肖者寡此謂一本爲進賢然後聖人聽其言迹其行察其所能而慎予官此謂事能

故可使治國者使治國可使長官者使長官可使治邑者使治邑凡所使治國家官府邑里此皆國之賢者也賢者之治國一本有家字蚤朝晏退蚤字同早聽獄治政是以國家治而刑法正賢者之長官也夜寢夙興收斂關市山林澤梁之利以實官府是以官府實而財不散賢者之治邑也蚤出莫入耕稼樹藝聚菽粟是以菽粟多而民足乎食故國家治則刑法正官府實則萬民富上有以絜爲酒醴粢盛以祭祀天鬼外有以爲皮幣與四鄰諸侯交接內有以食饑息勞將養其萬民外有以懷天下之賢人是故上者天鬼富之外者諸侯與之內者萬民親之賢人歸之以此謀事則得舉事則成入守則固出誅則彊故唯昔三代聖王

堯舜禹湯文武之所以王天下正諸侯者此亦其法已既曰若法順若猶未知所以行之術則事猶若未成是以必爲置三本何謂三本曰爵位不高則民不敬也蓄錄不厚則民不信也政令不斷則民不畏也故古聖王高予之爵重予之祿任之以事斷予之令夫豈爲其臣賜哉欲其事之成也詩曰告女憂卽誨女序礪舊作予鑠盧以意改就能孰熟鮮不<sup>方</sup>用濯則此語古者國君諸侯之不可以不執善承嗣輔佐也譬之猶孰熟之有濯也將休其手焉古者聖王惟母得賢人而使之母讀如貫習之貫般爵以貴之般讀如頌裂地以封之終身不厭賢人唯母得明君而事之竭四肢之力以任君之事終身不倦若有美善則歸之上是以美善在上而

所怨謗在下寧樂在君當爲盜經典通用此憂患在臣故古者聖王之爲政若此今王公大人亦欲效人以尚賢使能爲政高予之爵而祿不從也夫高爵而無祿民不信也曰此非中實愛我也假藉而用我也古無借字只用藉說文序有假借字从人俗寫亂之夫假藉之民將豈能親其上哉故先王言曰貪舊作食一於政者不能分人以事厚於貨者不能分人以祿事則不與祿則不分請問天下之賢人將何自至乎王公大人之側哉若苟賢者不至乎王公大人之側則此不肖者在左右也不肖者在左右則其所譽不當賢而所罰不當暴王公大人尊此以爲政乎國家則賞亦必不當賢而罰亦必不當暴若苟賞不當賢而罰不當暴則是爲賢者不勸而爲暴

者不沮矣是以入則不慈孝父母出則不長弟鄉里居處無節出入無度男女無別使治官府則盜竊守城則倍畔君有難則不死出亡則不從使斷獄則不中分財則不均與謀事不得舉事不成入守不固出誅不彊故雖昔者三代暴王桀紂幽厲之所以失措其國家傾覆其社稷者已此故也古字以已通一本作以非何則皆以明小物而不明大物也今王公大人有一衣裳不能制也必藉良工有一牛羊不能殺也必藉良宰故當若之二物者王公大人未知以尚賢使能爲政也逮至其國家之亂社稷之危則不知使能以治之親戚則使之無故富貴面目佼好則使之佼姣字假音說文云夫無故富貴面目佼好則使之豈必智且姣好也玉篇云姣音狡妖媚也

有慧哉若使之治國家則此使不智慧者治國家也國家之亂既可得而知已且夫王公大人有所愛其色而使其心不察其知而與其愛是故不能治百人者使處乎千人之官不能治千人者使處乎萬人之官此其故何也曰若處官者爵高而祿厚故愛其色而使之焉夫不能治千人者使處乎萬人之官則此官什倍也夫治之法將日至者也日以治之曰不什脩知以治之知不什益而予官什倍則此治而棄其九矣雖日夜相接以治若官猶若不治此其故何也則王公大人不明乎以尚賢使能爲政也故以尚賢使能爲政而治者夫若言之謂也以下賢爲政而亂者若吾言之謂也今王公大人中實將欲治其國家

欲脩保而勿失胡不察尚賢爲政之本也且以尚賢爲政之本者亦豈獨子墨子之言哉此聖王之道先王之書距年之言也

距年下篇作暨年猶云遠年

傳曰求聖君哲人以裨輔而身

湯誓曰聿求元聖與之戮力同心以治天下則此言聖之不失以尚賢使能爲政也故古者聖王唯能審以尚賢使能爲政無異物雜焉天下皆得其利古者舜耕歷山

史記集解

云鄭元曰在河東水經注云河東郡南有歷山謂之歷觀舜所耕處也有舜井媯汭二水出焉二說在今山西永濟縣高誘注淮南子云歷山在沛陰成陽也一曰濟南歷城山也水經注又云周處風土記曰記云耕於歷山而始寧刻二縣界上舜所耕田于山下多柞樹吳越之間名柞爲櫧故曰歷山與鄭說異括地志云蒲州河東縣歷山南有舜井又云越州餘姚縣有歷山舜井二所又有姚墟云生舜處也及媯州歷山舜井皆云舜所耕處未詳也案說各不陶河瀕此古濱字見說文史記集解云皇甫謐曰濟陰同陶河瀕定陶西南陶邱亭是也正義曰按於曹州濱河

作瓦器也括地志云陶城在蒲州河東縣北三十里卽舜所都也南去歷山不遠或陶所在則何必定陶方得爲舜陶之陶也斯或一焉按守節說本水經注漁雷澤太平御引作濩澤地理志河東郡有濩澤應邵曰澤在西北通典云澤州陽城縣有濩澤水史記集解云鄭元曰雷夏兗州澤今屬濟陰案今山西永濟縣南四十里雷首山下有澤亦云舜所漁也堯得之服澤之陽服

澤疑蒲舉以爲天子與接天下之政治天下之民伊摯有莘氏女之私臣漢書作媿玉篇媿媿二同色臻切有媿國說文云呂不韋曰有侁氏以伊尹儕女案呂氏春秋本味云有侁氏女子採桑得嬰兒於空桑之中獻之其君其君令婦人養之長而賢湯聞伊尹使人請之有侁氏有侁氏不可伊尹亦欲歸湯於是請取婦爲婚有侁氏喜以伊尹爲媵送女高誘曰侁讀曰莘有莘在今河南陳留縣括地志云古莘國在汴州陳留縣東五里故莘城是也陳留風俗傳云陳留外黃有莘昌亭本宋地莘氏邑也或云在陝西邵陽非親爲庖人湯得之舉以爲已相與接天下之政

治天下之民傳說被褐帶索庸史記索隱引作庸孔安書築乎傅巖孔安國書

傳云傅巖在虞虢之界史記索隱云在河東太陽縣又夏靖書云猗氏十里河西岸吳坂下便得隱穴是說所潛身處也案今在山西平陸縣東二十五里武丁得之舉以爲三公與接天下之政治天下之民此何故始賤卒而貴始貧卒而富則王公大人明乎以尚賢使能爲政是以民無飢而不得食寒而不得衣勞而不得息亂而不得治者故古聖王以審以尚賢使能爲政而取法於天雖天亦不辯貧富貴賤遠邇親疏賢者舉而尚之不肖者抑而廢之然則富貴爲賢以得其賞者誰也曰若昔者三代聖王堯舜禹湯文武者是也所以得其賞何也曰其爲政乎天下也兼而愛之從而利之又率天下之萬民以尚尊天事鬼愛利萬民是故天鬼賞之立爲天子以爲民父母萬民從而譽之曰聖王至今

不已則此富貴爲賢以得其賞者也然則富貴爲暴以得其罰者誰也曰若昔者三代暴王桀紂幽厲者是也何以知其然也曰其爲政乎天下也兼而憎之從而賤之又率天下之民以詬天侮鬼賤傲萬民是故天鬼罰之使身死而爲刑戮子孫離散室家喪滅絕無後嗣萬民從而非之曰暴王至今不已則此富貴爲暴而以得其罰者也然則親而不善以得其罰者誰也曰若昔者伯鯀帝之元子廢帝之德庸既乃刑之于羽之郊郭璞注山海經云今東海今山東祝其縣西南有羽山案在蓬萊縣乃熟照無有及也言其罪績用弗成亦止見有所不及耳帝亦不愛則此親而不善以得其罰者也然則天之所使能者誰也曰若昔者禹稷臯陶是也何以知其然也先王之書呂刑

道之曰皇帝清問下民有辭有苗孔書作鰥寡有辭于苗曰羣后之肆孔書作逮在下明明不常孔書不作棐傳云輔據此當作匪鰥寡不蓋孔書作侮德威維威孔書作畏德明維明乃名三后孔書名命恤功於民伯夷降典哲民維刑孔書哲作折禹平水上主名山川稷降播種農殖嘉穀三后成功維假一本作殷孔書亦作殷於民則此言三聖人者謹其言慎其行精其思慮索天下之隱事遺利以上事天則天鄉其德鄉讀如向下施之萬民萬民被其利終身無已故先王之言曰此道也大用之天下則不究一本作窮非小用之則不困脩用之則萬民被其利終身無已周頌道之曰聖人之德若天之高若地之普其有昭於天下也若地之固若山之承不坼不崩若日之光若月之明與天地同

常則此言聖人之德章明博大墮固墮訓黏土堅牢之意以脩久也  
故聖人之德蓋總乎天地者也今王公大人欲王天下正諸侯夫無德義將何以哉其說將必挾震威彊今王公大人將焉取挾震威彊哉傾者民之死也民生爲甚欲死爲甚憎所欲不得而所憎屢至屢卽屢字省文史記或作自古及今未有嘗能有以此王天下正諸侯者也今大人欲王天下正諸侯將欲使意得乎天下名成乎後世故不察尚賢政之本也當云不察此聖人之厚行也

尚賢下第十

子墨子言曰天下之王公大人皆欲其國家之富也人民之衆也刑法之治也然而不識以尚賢爲政其國家百姓

王公大人本失尚賢爲政之本也若苟王公大人本失尚賢爲政之本也則不能毋舉物示之乎今若有不諸侯於此爲政其國家也曰凡我國能射御之士我將賞貴之不能射御之士我將罪賤之間於若國之士孰喜孰懼我以爲必能射御之士喜不能射御之士懼我賞因而誘之矣曰凡我國之忠信之士我將賞貴之不忠信之士我將罪賤之間於若國之士孰喜孰懼我以爲必忠信之士喜不忠不信之士懼今惟母以尚賢爲政母同憒其國家百姓使國爲善者勸爲暴者沮大一本作夫以爲政於天下使天下之爲善者勸爲暴者沮然昔吾所以貴堯舜禹湯文武之道者何故以哉以其唯母臨衆發政而治民使天下之爲

善者可而勸也

高誘注淮南子云而能也古通

爲暴者可而沮也然則此

尚賢者也與堯舜禹湯文武之道同矣而今天下之士君子居處言語皆尚賢逮至其臨衆發政而治民莫知尚賢而使能我以此知天下之士君子明小而不明於大也何以知其然乎今王公大人有一牛羊之財同材不能殺必索良宰有一衣裳之財不能制必索良工當王公大人之於此也雖有骨肉之親無故富貴面目美好者實知其不能也不使之也是何故恐其敗財也當王公大人之於此也則不失尚賢而使能王公大人有一罷馬不能治必索良醫有一危弓不能張必索良工當王公大人之於此也雖有骨肉之親無故富貴面目美好者實知其不能也必不

使是何故恐其敗財也當王公大人之於此也則不失尚賢而使能逮至其國家則不然王公大人骨肉之親無故富貴面目美好者則舉之則王公大人之親其國家也若親其一危弓罷馬衣裳牛羊之財與我以此知天下之士君子皆明於小而不明舊脫此字於大也此譬猶瘖聋而使爲行人聾者而使爲樂師是故古之聖王之治天下也其所富其所貴未必王公大人骨肉之親無故富貴面目美好者也是故昔者舜耕於歷山陶於河瀕漁於雷澤灰於常陽疑卽恒山之陽堯得之服澤之陽立爲天子使接天下之政而治天下之民昔伊尹爲莘氏女師僕僕侶也女師見詩云言告氏使爲庖人湯得而舉之立爲三公使接天下之政治天

下之民昔者傅說居北海之洲

書正義云

云尸子云傳巖在

虞虢之界

洲當爲州

圓土之上

史記殷本紀云

說爲胥靡築於傳巖

食故此云

國土也

衣褐帶索

庸築於傳巖之城

武丁得而舉之立

爲三公使之接天下之政而治天下之民是故昔者堯之舉舜也湯之舉伊尹也武丁之舉

傳說也

豈以爲骨肉之親無故富貴面目美好者哉惟法其言用其謀行其道上

可而利天能而同中可而利鬼下可而利人是故推而上之

古者聖王既審尚賢欲以爲政故書之竹帛琢之槃孟傳

以遺後世子孫於先王之書呂刑之書然王曰於孔書來

有國有土孔書國作邦告女訟刑孔書女作爾訟作詳

在今而安百姓孔書

爾是女何擇言入孔書無文字作何擇非入何敬不刑何度不及孔書兩不

字作非能擇人而敬爲刑堯舜禹湯文武之道可及也是何也則以尚賢及之於先王之書豎距字年之言然曰晞夫聖武知人晞疑當从目以屏輔而身此言先王之治天下也必選擇賢者以爲其羣屬輔佐曰今也天下言士君子皆欲富貴而惡貧賤曰然女何爲而得富貴而辟貧賤辟同莫若爲賢爲賢之道將柰何曰有力者疾以助人有財者勉以分人有道者勸以教人若此則飢者得食寒者得衣亂者得治若飢則得食寒則得衣亂則得治此安生生今王公大人其所富其所貴皆王公大人骨肉之親無故富貴面目美好者也今王公大人骨肉之親無故富貴面目美好者焉故必知哉若不知使治其國家則其國家之亂可

得而知也今天下之士君子皆欲富貴而惡貧賤然女何爲而得富貴而辟貧賤哉曰莫若爲王公大人骨肉之親無王公大人骨肉之親無故富貴面目美好者此非可學能者也使不辯德行之厚若禹湯文武不加得也王公大人骨肉之親饗瘡痏暴爲桀紂不加失也是故以賞不當賢罰不當暴其所賞者已無故矣其所罰者亦無罪是以使百姓皆攸一本作放心解體沮以爲善垂其股肱之力而不相勞來也腐臭餘財臭殞省文而不相分資也隱慝良道慝即異文隱匿之字亦寫从心而不相教誨也若此則飢者不知經典惡字卽匿也此下有推而上之以是故昔者堯有舜舜有禹禹有臯陶脫文湯有小臣武王有閼天泰顚南宮括散宜生紂拘文王子美里於是散

宜生乃以千金求天下之珍怪得騶虞雞斯之乘元玉百工大貝百朋元豹黃羆青犴白虎文皮千合以獻于紂以費仲而通紂見而悅之乃免其身殺牛而賜之見淮南子道應訓得此不勸譽且今天下之王公大人士君子中實將欲爲仁義求爲士上欲中聖王之道下欲中國家百姓之利而天下和庶民阜是以近者安之遠者歸之日月之所照舟車之所及雨露之所漸粒食之所養故尚賢之爲說而不可不察此者也尚賢者天鬼百姓之利而政事之本也

墨子卷之二

卷之二

